

গণপ্রজাতন্ত্রী বাংলাদেশ সরকার
মহিলা ও শিশু বিষয়ক মন্ত্রণালয়
বাংলাদেশ সচিবালয়, ঢাকা।

নং: ৩২.০০.০০০০.০৫৭.১৪.০২১.১৮-১৭০

তারিখ: ১০/০৯/২০১৮ খ্রীঃ

বিষয়ঃ দুঃস্থ মহিলা উন্নয়ন (ভালনারেবল গ্রুপ ডেভেলপমেন্ট-ভিজিডি) কর্মসূচির আওতায় ১ জানুয়ারি ২০১৯ থেকে ৩১ ডিসেম্বর ২০২০ চক্রের ভিজিডি উপকারভোগী বাছাই/নির্বাচন এবং ভিজিডি খাদ্য বিতরণ সংক্রান্ত পরিপত্র।

বাংলাদেশ সরকারের সামাজিক নিরাপত্তা কার্যক্রমের আওতায় ভিজিডি কর্মসূচি মহিলা ও শিশু বিষয়ক মন্ত্রণালয়ধীন মহিলা বিষয়ক অধিদপ্তর মাঠ পর্যায়ে বাস্তবায়ন করে। এ কর্মসূচির আওতায় নির্বাচিত অতি দরিদ্র মহিলাদেরকে খাদ্য সহায়তার পাশাপাশি সামাজিক সুরক্ষার আলোকে স্থায়ীভাবে জীবনযাত্রার মান উন্নয়ন, আয়বর্ধক প্রশিক্ষণ, স্বাস্থ্য ও পুষ্টি বিষয়ে সচেতনতা প্রদান ইত্যাদি উন্নয়ন প্রশিক্ষণ প্রদান করা হয়ে থাকে। চলতি ভিজিডি চক্র (২০১৭-২০১৮) এর মেয়াদ ৩১ ডিসেম্বর ২০১৮ খ্রিস্টাব্দে শেষ হবে। ১ জানুয়ারি ২০১৯ থেকে পরবর্তী ভিজিডি চক্র (ভিজিডি চক্র ২০১৯-২০২০) শুরু হবে।

১.০ সাধারণ নির্দেশাবলী:

“ভিজিডি চক্র ২০১৯-২০২০” এর উপকারভোগী নির্বাচন, ভিজিডি কার্ড বিতরণ এবং মনিটরিং কার্যক্রমসহ কর্মসূচির সার্বিক ব্যবস্থাপনা সম্পর্কে স্বচ্ছ ধারণা নিশ্চিত করার লক্ষ্যে নিম্নোক্ত নীতিমালা ও শর্তাবলী অনুসরণের জন্য নির্দেশক্রমে অনুরোধ করা হলো:

- ক) দেশের সকল উপজেলা এ কর্মসূচির আওতাভুক্ত হবে। সিটি কর্পোরেশন এবং পৌরসভা এলাকায় ভিজিডি কার্ড বরাদ্দ করা হবে না। তবে চক্র শুরু হবার পর কোন ইউনিয়ন যদি পৌরসভা/সিটি কর্পোরেশনের অন্তর্ভুক্ত হয়, সে ক্ষেত্রে ভিজিডি উপকারভোগীদের চলমান চক্রে খাদ্য সহায়তাসহ প্রশিক্ষণ ও অন্যান্য সুবিধাদি অব্যাহত থাকবে। বিশেষ প্রেক্ষাপটে সরকারের অনুমোদনক্রমে পৌরসভা ও সিটি কর্পোরেশন এলাকায় ভিজিডি কার্ড প্রদান করা যাবে।
- খ) উপজেলা পর্যায়ে ভিজিডি কর্মসূচির বাস্তবায়ন ও ব্যবস্থাপনা উপজেলা নির্বাহী অফিসারের সার্বিক তত্ত্বাবধানে পরিচালিত হবে।
- গ) উপজেলা মহিলা বিষয়ক কর্মকর্তা ও জেলা কার্যালয়ের প্রোগ্রাম অফিসারগণ (সদর উপজেলা) ভিজিডি কর্মসূচির বাস্তবায়ন ও সার্বিক ব্যবস্থাপনার দায়িত্ব পালন করবেন। ভিজিডি উপকারভোগী মহিলা নির্বাচন এই দায়িত্বের অন্তর্ভুক্ত হবে।
- ঘ) জেলা মহিলা বিষয়ক কর্মকর্তা জেলা প্রশাসকের সার্বিক তত্ত্বাবধানে তাঁর জেলার ভিজিডি কর্মসূচির সার্বিক সমন্বয় ও মনিটরিং এর দায়িত্ব পালন করবেন।
- ঙ) ১ জানুয়ারি ২০১৯ থেকে ৩১ ডিসেম্বর ২০২০ চক্রের ভিজিডি উপকারভোগী বাছাই / নির্বাচন এবং বিতরণ সংক্রান্ত পরিপত্র অনুসরণে সংশ্লিষ্ট উপজেলার জন্য সরকার কর্তৃক নির্ধারিত সংখ্যক উপকারভোগী বাছাই/নির্বাচন করতে হবে।
- চ) উপজেলার সকল ইউনিয়নে ভিজিডি কার্ড সংখ্যা নির্ধারণের ক্ষেত্রে উপজেলা ভিজিডি কমিটি খাদ্য নিরাপত্তাহীনতা ও অতি দরিদ্র পরিবারের সংখ্যার অনুপাত বিবেচনা করবে।
- ছ) এ পরিপত্র বাংলাদেশের সকল উপজেলার এবং প্রযোজ্য ক্ষেত্রে পৌরসভা ও সিটি কর্পোরেশনের জন্য প্রযোজ্য হবে।

২.০ ভিজিডি উপকারভোগী বাছাই/নির্বাচন নীতিমালা:

২.১ অন্তর্ভুক্তির শর্তাবলীঃ

যে সকল পরিবারের মহিলা নিম্নোক্ত শর্তসমূহ পূরণ করবে তাদের মধ্য থেকে শারীরিক ও মানসিকভাবে সুস্থ তাদেরকে র্যাংকিং এর ভিত্তিতে ভিজিডি উপকারভোগী হিসেবে নির্বাচন করা হবে (প্রাথমিক তালিকা ছক-০২ অনুযায়ী):

১. বয়স সীমা ২০ হতে ৫০ বছর। ডাটাবেজ তৈরির জন্য জাতীয় পরিচয়পত্র নম্বর বাধ্যতামূলক।
২. পরিবারে কর্মক্ষম দুঃস্থ, বিধবা, তালাকপ্রাপ্ত ও স্বামী পরিত্যক্তা নারী আছে এবং কোন উপার্জনক্ষম সদস্য অথবা অন্য কোন স্থায়ী/নিয়মিত আয়ের উৎস নেই।

অগ্রাধিকার শর্তাবলীঃ

১. প্রকৃত অর্থে ভূমিহীন অর্থাৎ খানা বা পরিবারের কোন জমি নেই অথবা নিজ মালিকানার বসত ভিটা ও চাষযোগ্য মোট জমির পরিমাণ ০.১৫ একর অথবা কম। ভূমিহীন যে সব পরিবারের মহিলা দুস্থ ও অসহায় এবং যাদের অন্য কোন স্থায়ী/নিয়মিত আয়ের উৎস নেই।
২. যে পরিবার দৈনিক দিনমজুর হিসেবে জীবিকা নির্বাহ করে, তবে কৃষিক্ষেত্রে দিনমজুর হিসেবে কাজ করে সে পরিবার অগ্রাধিকার পাবে।
৩. যে সব দরিদ্র পরিবারের স্কুলে অধ্যয়নরত কিশোরী আছে, সে পরিবারের “মা” অগ্রাধিকার পাবে। কিশোরীরা নিয়মিত স্কুলে যাবে, বাল্য বিবাহ করবে না এবং কোন ঝুঁকিপূর্ণ কাজে যুক্ত থাকবে না মর্মে অঙ্গীকারবদ্ধ হতে হবে।
৪. যে পরিবারের ঘরের দেয়াল মাটির/পাটকাঠি বা বাঁশের তৈরী, সে পরিবার অগ্রাধিকার পাবে।
৫. যে সব দরিদ্র পরিবারে অটিজম সম্পন্ন/প্রতিবন্ধী সদস্য আছে, সে সব পরিবার ভিজিডি উপকারভোগী নির্বাচনে অগ্রাধিকার পাবে।
৬. যে পরিবারে বিদ্যুৎ সংযোগ নেই, সে পরিবার অগ্রাধিকার পাবে।

২.২ অন্তর্ভুক্তির অযোগ্যতাঃ

১. বয়স ২০ বছরের নিচে এবং ৫০ বছরের এর উপরে।
২. সরকারের অন্য কোন সামাজিক নিরাপত্তা কর্মসূচি/প্রকল্পের উপকারভোগী।
৩. (২০১৫-২০১৬ এবং ২০১৭-২০১৮) চক্রে ভিজিডি কার্ডধারী ছিলেন।

২.৩ অন্যান্য শর্তাবলী:

১. একটি পরিবার কেবলমাত্র একটি ভিজিডি কার্ড পাবে।
২. নির্বাচিত মহিলাগণ বিনা শর্তে এবং বিনা মূল্যে ভিজিডি কার্ড পাবেন।

৩.০ কমিটি গঠন: উপজেলা ভিজিডি কমিটি সভাপতি হিসেবে উপজেলা নির্বাহী অফিসার উপজেলা মহিলা বিষয়ক কর্মকর্তা ও সংশ্লিষ্ট ইউনিয়ন পরিষদের চেয়ারম্যানের সাথে আলোচনাক্রমে ওয়ার্ড কমিটি গঠন করবেন:

৩.১. ওয়ার্ড কমিটি

ওয়ার্ড কমিটির গঠন নিম্নরূপ:

ইউনিয়ন পরিষদের সংশ্লিষ্ট ওয়ার্ডের সংরক্ষিত নারী আসনের সদস্য	সভাপতি
সরকারি কর্মচারী (সংশ্লিষ্ট ওয়ার্ডের পরিবার পরিকল্পনা/ভূমি/কৃষি অধিদপ্তর)	সদস্য
সংশ্লিষ্ট ওয়ার্ডের ইউপি সদস্য (পুরুষ)	সদস্য

কার্যপরিধি:

ওয়ার্ড কমিটি সম্ভাব্য ভিজিডি উপকারভোগী মহিলার নাম ঠিকানা বাড়ী বাড়ী গিয়ে সংগ্রহ পূর্বক **প্রাথমিক আবেদন ফরম (ছক ১)** এনজিও প্রতিনিধি/ইউনিয়ন তথ্য ও সেবা কেন্দ্রের উদ্যোক্তাদের সহযোগিতায় অনলাইনে পূরণ করতে হবে। এছাড়া, ভিজিডি পাওয়ার আগ্রহী মহিলা যে কোন স্থান হতে অনলাইনে আবেদন করতে পারবেন। উল্লেখ্য যে, সংশ্লিষ্ট ইউনিয়নের বরাদ্দকৃত কার্ডের দ্বিগুন সম্ভাব্য উপকারভোগী মহিলার তথ্য সংগ্রহ করতে হবে। সংগৃহীত ভিজিডি উপকারভোগীর আবেদনপত্র ভিজিডি ওয়েব বেইজড সফটওয়্যারে (dwavgd.gov.bd) এ (ইউনিয়ন তথ্য সেবা কেন্দ্রের সহায়তায়) অন্তর্ভুক্ত করতে হবে। প্রাথমিক আবেদন ফরম (ছক-১) ইউনিয়ন ভিজিডি কমিটিতে জমা দিবে।

৩.২ ইউনিয়ন পর্যায়ে ভিজিডি উপকারভোগী বাছাই কমিটির গঠনঃ

১ ইউনিয়ন পরিষদের চেয়ারম্যান	-	-	-	সভাপতি
২ ইউনিয়ন পরিষদের সকল সদস্য (সংরক্ষিত আসনের নির্বাচিত তিনজন মহিলা সদস্যসহ)				সদস্য
৩ একজন সরকারি প্রাথমিক/মাধ্যমিক বিদ্যালয়ের শিক্ষক (মহিলা) -				সদস্য
৪ একজন মুক্তিযোদ্ধা				সদস্য
৫ পরিবার পরিকল্পনা ওয়ার্ড কর্মী				সদস্য
৬ স্থানীয় ২ জন গণ্যমান্য ব্যক্তি (১জন পুরুষ ও ১ জন মহিলা)				সদস্য
৭ সংশ্লিষ্ট ইউনিয়ন পরিষদের সচিব				সদস্য সচিব

উপজেলা নির্বাহী অফিসার এই কমিটির ৩ ও ৬ নং ক্রমিকের সদস্য নির্বাচন করবেন এবং ৪ নং সদস্য উপজেলা মুক্তিযোদ্ধা কমান্ডারের সাথে আলোচনা পূর্বক নির্বাচন করবেন।

কর্মপরিধি:

১. ইউনিয়ন ভিজিডি কমিটি ওয়ার্ড কমিটির নিকট হতে প্রাপ্ত প্রাথমিক আবেদন ফরম অনুযায়ী সম্ভাব্য মহিলাদের বাড়ি সেরেজমিনে পরিদর্শন করে তথ্য যাচাইয়ের মাধ্যমে **ছক- ২** পূরণ করবে।
২. ইউনিয়ন ভিজিডি উপকারভোগী নির্বাচন কমিটি ওয়ার্ড হতে প্রাপ্ত সম্ভাব্য ভিজিডি মহিলাদের তালিকা ওয়েব সাইট/ডাটা বেইজড থেকে হার্ড কপি সংগ্রহ করে কমিটির সকল সদস্যের স্বাক্ষরপূর্বক উপজেলা মহিলা বিষয়ক কর্মকর্তার মাধ্যমে উপজেলা ভিজিডি কমিটির নিকট পেশ করবেন। এই প্রক্রিয়া **৩১ অক্টোবর ২০১৮** এর মধ্যে শেষ হবে।

৩.৩ উপজেলা ভিজিডি কমিটির গঠনঃ

চেয়ারম্যান, উপজেলা পরিষদ	-	-	-	-	-	-	উপদেষ্টা
১. উপজেলা নির্বাহী অফিসার	-	-	-	-	-	-	সভাপতি
২. ভাইস চেয়ারম্যান (মহিলা) উপজেলা পরিষদ	-	-	-	-	-	-	সদস্য
৩. উপজেলা স্বাস্থ্য কর্মকর্তা	-	-	-	-	-	-	সদস্য
৪. উপজেলা পরিবার পরিকল্পনা কর্মকর্তা	-	-	-	-	-	-	সদস্য
৫. উপজেলা কৃষি সম্প্রসারণ কর্মকর্তা	-	-	-	-	-	-	সদস্য
৬. উপজেলা মৎস্য কর্মকর্তা	-	-	-	-	-	-	সদস্য
৭. উপজেলা প্রাণিসম্পদ কর্মকর্তা	-	-	-	-	-	-	সদস্য
৮. উপজেলা সমাজ সেবা কর্মকর্তা	-	-	-	-	-	-	সদস্য
৯. উপজেলা শিক্ষা কর্মকর্তা	-	-	-	-	-	-	সদস্য
১০. উপজেলা পরিসংখ্যান কর্মকর্তা	-	-	-	-	-	-	সদস্য
১১. উপজেলা খাদ্য নিয়ন্ত্রক	-	-	-	-	-	-	সদস্য
১২. উপজেলা পল্লী উন্নয়ন কর্মকর্তা	-	-	-	-	-	-	সদস্য
১৩. উপজেলা সমবায় কর্মকর্তা	-	-	-	-	-	-	সদস্য
১৪. উপজেলা যুব উন্নয়ন কর্মকর্তা	-	-	-	-	-	-	সদস্য
১৫. উপজেলা প্রকল্প বাস্তবায়ন কর্মকর্তা	-	-	-	-	-	-	সদস্য
১৬. সকল ইউনিয়ন পরিষদের চেয়ারম্যান	-	-	-	-	-	-	সদস্য
১৭. উপজেলা মুক্তিযোদ্ধা কমান্ডের ১ জন প্রতিনিধি	-	-	-	-	-	-	সদস্য
১৮. প্রত্যেক সহযোগী বেসরকারি সংস্থার (চুক্তিবদ্ধ এনজিও) প্রতিনিধি	-	-	-	-	-	-	সদস্য
১৯. স্থানীয় ২ জন গণ্যমান্য ব্যক্তি (১জন পুরুষ ও ১ জন মহিলা)	-	-	-	-	-	-	সদস্য
২০. উপজেলা মহিলা বিষয়ক কর্মকর্তা / (প্রোগ্রাম অফিসার সদর উপজেলার জন্য)	-	-	-	-	-	-	সদস্য সচিব

বিশেষ নির্দেশনাঃ উপজেলা নির্বাহী অফিসার এই কমিটির ১৯ নং ক্রমিকের সদস্য নির্বাচন করবেন এবং ১৭ নং সদস্য উপজেলা মুক্তিযোদ্ধা কমান্ডারের সাথে আলোচনা পূর্বক নির্বাচন করবেন।

উপজেলা ভিজিডি কমিটির কর্মপরিধি :

- ক) উপজেলা ভিজিডি কমিটি সভাপতি হিসেবে উপজেলা নির্বাহী অফিসার ৩.১ এ বর্ণিত ৩ সদস্য বিশিষ্ট একটি ওয়ার্ড কমিটি গঠন করত: পত্রজারী করবেন।
- খ) উপজেলা মহিলা বিষয়ক কর্মকর্তা উপজেলা ভিজিডি কমিটির সভায় সংশ্লিষ্ট উপজেলার সকল ইউপি চেয়ারম্যান এবং সচিবদের সমন্বয়ে একটি অবহিতকরণ সভা করবেন। সভায় ভিজিডি উপকারভোগী নির্বাচন সম্পর্কিত একটি কর্মপরিকল্পনা প্রণয়ন করবেন। একই সাথে ইউনিয়ন ভিত্তিক কার্ড বরাদ্দ চূড়ান্ত করবেন।
- গ) উপজেলা মহিলা বিষয়ক কর্মকর্তা , উপজেলা ভিজিডি কমিটির সভাপতি, উপজেলা নির্বাহী অফিসারের পরামর্শক্রমে ওয়ার্ড কমিটি কর্তৃক প্রস্তুতকৃত খসড়া (র‍্যাংকিং) তালিকা জনসম্মুখে প্রকাশ করবে। তালিকা যাচাই বাছাই/পর্যালোচনার জন্য ভিজিডি আবেদনকারী মহিলাদেরকে প্রতি ইউনিয়ন পরিষদে প্রাঙ্গণে একটি নির্দিষ্ট তারিখে এলাকার গণ্যমান্য ব্যক্তিবর্গের উপস্থিতিতে জমায়েত করবে। উপজেলা মহিলা বিষয়ক কর্মকর্তা উপজেলা ভিজিডি কমিটির সহযোগিতায় সকল আবেদনকারী তথ্য যাচাই করার জন্য পৃথক পৃথক ভাবে শুনানি গ্রহণ করে 'ছক ২' চূড়ান্ত করবে।
- ঘ) উপজেলা ভিজিডি কমিটির সভাপতি হিসেবে উপজেলা নির্বাহী অফিসার ডাটা বেইজড/ ইউনিয়ন হতে প্রাপ্ত সম্ভাব্য ভিজিডি মহিলাদের তালিকাটি পর্যালোচনা পূর্বক পূর্ণাঙ্গ তালিকা অনুমোদন প্রদান করবেন। এক্ষেত্রে, উপজেলা নির্বাহী অফিসার এবং উপজেলা মহিলা বিষয়ক কর্মকর্তা **ছক-৩** অনুযায়ী প্রস্তুতকৃত ভিজিডি মহিলাদের পূর্ণাঙ্গ তালিকার প্রতি পাতায় স্বাক্ষর করবেন এবং সংশ্লিষ্ট ইউনিয়ন পরিষদে স্বাক্ষরিত তালিকাটি প্রেরণ করবেন। অনুমোদিত এবং স্বাক্ষরিত চূড়ান্ত ভিজিডি মহিলাদের তালিকা **৩০ নভেম্বর ২০১৮** এর মধ্যে ইউনিয়ন পরিষদে প্রেরণ নিশ্চিত করবেন।
- ঙ) চূড়ান্তভাবে নির্বাচিত উপকারভোগীর নামের তালিকা অনুমোদনের পর ভিজিডি ডাটা বেইজএ (উপজেলা মহিলা বিষয়ক কর্মকর্তা কাজটি সম্পন্ন করবেন) অন্তর্ভুক্ত করতে হবে।

- চ) অনুমোদিত বাছাইকৃত উপকারভোগী মহিলার নামের তালিকা সবার জ্ঞাতার্থে ইউপি নোটিস বোর্ডে টানিয়ে দিতে হবে। অনুমোদিত তালিকায় কোন অভিযোগ থাকলে ইউএনও বরাবরে যে কোন ব্যক্তি লিখিতভাবে আপত্তি জানাতে হবে। প্রাপ্ত অভিযোগের ভিত্তিতে উপজেলা নির্বাহী কর্মকর্তা উপজেলা ভিজিডি কমিটির সভাপতি হিসেবে ৩ (তিন) সদস্য বিশিষ্ট তদন্ত কমিটি গঠন করবে। তদন্ত কমিটি ৫ কর্ম দিবসের মধ্যে 'উপজেলা ভিজিডি কমিটি'র নিকট তদন্ত প্রতিবেদন দাখিল করবে। 'উপজেলা ভিজিডি কমিটি' চূড়ান্ত পদক্ষেপ গ্রহণ করবে।
- ছ) উপজেলা ভিজিডি কমিটি তালিকা চূড়ান্ত করণে ১০% মহিলার নাম অপেক্ষমান তালিকায় রাখবেন। 'ইউনিয়ন ভিজিডি মহিলা বাছাই কমিটি' প্রাথমিকভাবে বাছাইকৃত চূড়ান্ত তালিকা থেকে বাদ পড়া অবশিষ্ট মহিলার নামের তালিকা উপজেলা নির্বাহী অফিসার বরাবর প্রেরণ করবে।
- জ) ইউনিয়ন ভিজিডি মহিলা বাছাই কমিটি' নির্ধারিত সময়ের মধ্যে সম্ভাব্য ভিজিডি মহিলার তালিকা উপজেলা নির্বাহী অফিসার বরাবর প্রেরণে ব্যর্থ হলে/ কিংবা অসহযোগিতা করলে উপজেলা ভিজিডি কমিটি ৩ সদস্য বিশিষ্ট কমিটির মাধ্যমে ১০ কর্ম দিবসের মধ্যে সম্ভাব্য ভিজিডি মহিলার নামের তালিকা তৈরি করবেন। এ বিষয়ে 'উপজেলা ভিজিডি কমিটি' চূড়ান্ত পদক্ষেপ গ্রহণ করবে।
- ঝ) উপজেলা ভিজিডি কমিটি নিম্নোক্ত সময়সূচি অনুযায়ী প্রত্যেক নির্বাচিত উপকারভোগী মহিলার 'ভিজিডি কার্ড' বিতরণ নিশ্চিত করবে:

বিষয়	দায়িত্ব	তারিখ ও সময়	মন্তব্য
কার্ড বিতরণ	ক) উপজেলা ভিজিডি কমিটি খ) উপজেলা মহিলা বিষয়ক কর্মকর্তা ও সংশ্লিষ্ট ট্যাগ অফিসার	১০/১২/২০১৮ থেকে ২৫/১২/২০১৮	উপজেলা ভিজিডি কমিটি প্রত্যেক ইউনিয়নের পৃথক, পৃথক কার্ড বিতরণের তারিখ নির্ধারন করবেন (সংশ্লিষ্ট ইউপি কমিটি ও সুশীল সমাজের প্রতিনিধি উপস্থিত থাকবেন)

- সাক্ষাৎকারে উপকারভোগী নির্বাচনের শর্তাবলীর ব্যত্যয় বা অন্য কোন অনিয়ম পরিলক্ষিত হলে তদন্ত সাপেক্ষে তা সমাধানের ব্যবস্থা করবে।
- কোন অবস্থায়ই উপজেলা মহিলা বিষয়ক কর্মকর্তা এবং সংশ্লিষ্ট ইউনিয়ন ট্যাগ অফিসারের অনুপস্থিতিতে ভিজিডি কার্ড বিতরণ এবং কার্ড বিতরণ না করে খাদ্য বিতরণ করা যাবে না।

৪. উপজেলা ভিজিডি কমিটির অন্যান্য দায়িত্বাবলী:

- ক) ইউনিয়ন ভিজিডি বাছাই কমিটি' কর্তৃক প্রস্তুতকৃত তালিকা যাচাই করা।
- খ) উপজেলাতে ভিজিডি কার্যক্রম কর্মরত এনজিও প্রতিনিধিকে সক্রিয়ভাবে সম্পৃক্ত করা।
- গ) আনুপাতিক খাদ্য নিরাপত্তাহীনতা, পুষ্টিহীনতা, দারিদ্রতা ও দুর্দশাগ্রস্ত জনসংখ্যার ঘনত্ব অনুযায়ী ইউনিয়ন পর্যায়ে ভিজিডি কার্ড বরাদ্দ করা।
- ঘ) ভিজিডি কার্ড প্রাপ্তিতে যেন কোন অনৈতিক পন্থা অনুসৃত না হয় সেটা নিশ্চিত করা।
- ঙ) চূড়ান্ত নির্বাচিত উপকারভোগীর তালিকা অনুমোদনের পর ভিজিডি ডাটা বেইজ- এ অন্তর্ভুক্তি নিশ্চিত করা।
- চ) এনজিও কর্তৃক উপকারভোগীদের প্রশিক্ষণ সেবা প্রদান নিশ্চিতকরণ।
- ছ) উপজেলা নির্বাহী অফিসার উপজেলা পর্যায়ের অন্যান্য কর্মকর্তাদের ভিজিডি উপকারভোগী নির্বাচনের মনিটরিং এর দায়িত্ব প্রদান করবেন।

৫. ভিজিডি মহিলা নির্বাচন মনিটরিং:

- (ক) সংশ্লিষ্ট সরকারি কর্মকর্তাদের সক্রিয় মনিটরিং উপজেলা নির্বাহী অফিসার নিশ্চিত করবেন-সংশ্লিষ্ট জেলা/ উপজেলা মহিলা বিষয়ক কর্মকর্তা উপকারভোগী নির্বাচন প্রক্রিয়া মনিটরিং এ অংশগ্রহণ করবেন;

০৫ সেপ্টেম্বর ২০১৮ এর মধ্যে সংশ্লিষ্ট উপজেলা মহিলা বিষয়ক কর্মকর্তা প্রত্যেক ইউনিয়ন ভিজিডি কমিটির সাথে ভিজিডি উপকারভোগী নির্বাচনের শর্তাবলী, প্রক্রিয়া এবং নির্দেশনা সমূহ নিয়ে আলোচনা করবেন।

- (খ) মনিটরিংএ অনিয়ম পরিলক্ষিত হলে গৃহীত ব্যবস্থাাদিঃ

ভিজিডি উপকারভোগী নির্বাচন প্রক্রিয়ায় অনিয়ম যথা নির্বাচনের শর্ত পূরণ না হওয়া, যথাযথ কমিটি দ্বারা উপকারভোগী নির্বাচন না করা ইত্যাদি বিবেচনা সাপেক্ষে সংশ্লিষ্ট সরকারি কর্মকর্তাদের সুপারিশের পরিপ্রেক্ষিতে নিম্নোক্ত ব্যবস্থাাদি প্রযোজ্য হবেঃ

- ১) চূড়ান্তভাবে অনুমোদিত কোন ভিজিডি উপকারভোগী নির্বাচনের শর্তাবলী পূরণ না করে থাকলে, ভিজিডি তালিকা হতে সেই উপকারভোগীর নাম বাদ দেয়া হবে এবং তার অনুকূলে বরাদ্দকৃত ভিজিডি কার্ড সরাসরি বাতিল হবে। অপেক্ষামান তালিকা থেকে শর্ত পূরণ করে এমন উপকারভোগী নির্বাচন করা যাবে।
- ২) ৩১ অক্টোবর ২০১৮ এর মধ্যে কোন ইউনিয়নে উপকারভোগী নির্বাচনের শর্তাবলী পালনে ত্রুটির পরিমাণ ১০% এর বেশী পরিলক্ষিত হলে উক্ত ইউনিয়নের ভিজিডি উপকারভোগী নির্বাচন কমিটির কার্যকারিতা বাতিল করার জন্য উপজেলা মহিলা বিষয়ক কর্মকর্তা, উপজেলা নির্বাহী অফিসারের মাধ্যমে সদর কার্যালয়ে সুপারিশ করবে।

৬. ভিজিডি খাদ্য (চাল) বিতরণ সংক্রান্ত সময়সূচি:

৬.১ সংশ্লিষ্ট ইউনিয়ন পরিষদের চেয়ারম্যান ১৫ হতে ২২ তারিখ এর মধ্যে প্রতি ইউনিয়নে ওয়ার্ড ভিত্তিক খাদ্য (চাল) বিতরণের জন্য সুবিধামত তারিখ নির্ধারণ করে নিম্নোক্ত সময়সূচি অনুযায়ী খাদ্য বিতরণ নিশ্চিত করবেন।

৬.২ সংশ্লিষ্ট ওয়ার্ডের জন্য নির্ধারিত তারিখে নিম্নোক্ত সময়সূচি অনুযায়ী খাদ্য (চাল) বিতরণ করতে হবে:

খাদ্য বিতরণ:	সময় :	ওয়ার্ড নং:	তারিখ:	মন্তব্য
	সকাল ৮.৩০ থেকে ১১.০০টা	১, ২, ৩	১৫ হতে ২২	চেয়ারম্যান ১৫ হতে ২২ তারিখ এর মধ্যে সুবিধামত তারিখ নির্ধারণ করে খাদ্য বিতরণ নিশ্চিত করবেন।
	সকাল ১১.৩০ থেকে দুপুর ০১.৩০টা	৪, ৫, ৬	তারিখ	
	বিকাল ২.৩০ থেকে ০৫.০০টা	৭, ৮, ৯		

৬.৩ উপজেলা মহিলা বিষয়ক কর্মকর্তা ও সংশ্লিষ্ট ট্যাগ অফিসারের উপস্থিতিতে খাদ্য বিতরণ করতে হবে।

৬.৪ বিশেষ ক্ষেত্রে একজন অফিসারের উপস্থিতিতে খাদ্য বিতরণ করা যাবে, তবে কোন অবস্থাতেই উল্লিখিত অফিসারের অনুপস্থিতিতে খাদ্য বিতরণ করা যাবে না।

৬.৫ সংশ্লিষ্ট অফিসার বিনা কারণে খাদ্য বিতরণের জন্য নির্ধারিত সময়ে অনুপস্থিত থাকলে বা খাদ্য বিতরণে অনিয়ম হলে তদনান্তে সংশ্লিষ্ট কর্মকর্তার বিরুদ্ধে আইনানুগ ব্যবস্থা গ্রহণ করা হবে।

৭. বিশেষ বিবেচ্য বিষয়ঃ

৭.১ এই পরিপত্রটি সম্পূর্ণরূপে ২০১৯-২০২০ চক্রের জন্য ভিজিডি উপকারভোগী বাছাই, মনিটরিং ও ব্যবস্থাপনার ক্ষেত্রে প্রযোজ্য হবে।

৭.২ ভিজিডি খাদ্য বিতরণ ব্যবস্থাপনা সংক্রান্ত সরকারি আদেশ (জিও) ও বরাদ্দ পত্র (এও) ডিসেম্বর ২০১৮ এর মধ্যে জারি করা হবে।

৭.৩ ভিজিডি উপকারভোগীদের নির্বাচনী শর্তসমূহ পালনে অনিয়ম পরিলক্ষিত হলে সরকার ভিজিডি কেন্দ্রের খাদ্য সাহায্য স্থগিত বা উক্ত কমিটির বিরুদ্ধে ব্যবস্থাদি গ্রহণ করবে।

স্বাক্ষরিত

১০/০৯/২০১৮খ্রি:

(মো: আবুল খায়ের)

সিনিয়র সহকারী সচিব

ফোনঃ ৯৫৭০৬৫৭।

কার্যক্রম গ্রহণের জন্য প্রেরিত হ'ল (জ্যেষ্ঠতার ভিত্তিতে নয়):

- ০১। মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ০২। সিনিয়র সচিব, স্থানীয় সরকার বিভাগ, বাংলাদেশ সচিবালয়, ঢাকা।
- ০৩। সিনিয়র সচিব, কৃষি মন্ত্রণালয়, বাংলাদেশ সচিবালয়, ঢাকা।
- ০৪। সদস্য (সিনিয়র সচিব), সাধারণ অর্থনীতি বিভাগ, পরিকল্পনা কমিশন, শের-ই-বাংলা নগর, ঢাকা।
- ০৫। সচিব, অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা।
- ০৬। সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ০৭। সচিব, খাদ্য মন্ত্রণালয়, বাংলাদেশ সচিবালয়, ঢাকা।
- ০৮। সচিব, দুর্যোগ ব্যবস্থাপনা ও ত্রাণ মন্ত্রণালয়, বাংলাদেশ সচিবালয়, ঢাকা।
- ০৯। সচিব, পল্লী উন্নয়ন ও সমবায় বিভাগ, বাংলাদেশ সচিবালয়, ঢাকা।
- ১০। সচিব, মৎস ও প্রানিসম্পদ মন্ত্রণালয়, বাংলাদেশ সচিবালয়, ঢাকা।
- ১১। সদস্য, আর্থ সামাজিক অবকাঠামো / কার্যক্রম বিভাগ, পরিকল্পনা বিভাগ, ঢাকা।
- ১২। মহাপরিচালক, ত্রাণ ও পুনর্বাসন অধিদপ্তর, ঢাকা।
- ১৩। মহাপরিচালক, খাদ্য অধিদপ্তর, ১৬ আব্দুল গণি রোড, ঢাকা।
- ১৪। মহাপরিচালক, মহিলা বিষয়ক অধিদপ্তর, ৩৭/৩, ইন্সটন গার্ডেন রোড, ঢাকা।
- ১৫। বিভাগীয় কমিশনার, ঢাকা/চট্টগ্রাম/খুলনা/রাজশাহী/রংপুর/বরিশাল/সিলেট/ময়মনসিংহ।
- ১৬। জেলা প্রশাসক (সকল),.....।
- ১৭। উপজেলা নির্বাহী অফিসার (সকল),.....।
- ১৮। মাননীয় প্রতিমন্ত্রী মহোদয়ের একান্ত সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ১৯। সচিব মহোদয়ের একান্ত সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ২০। উপপরিচালক (ভিজিডি), মহিলা বিষয়ক অধিদপ্তর, ৩৭/৩, ইন্সটন গার্ডেন রোড, ঢাকা (তাকে বিজি প্রেস/ভিজিডি খাতের বাজেট বরাদ্দ হতে পরিপত্রটি মুদ্রণ পূর্বক মাঠ পর্যায়ে প্রেরণ করার জন্য অনুরোধ করা হ'ল)।
- ২১। জেলা মহিলা বিষয়ক কর্মকর্তা (সকল),।
- ২২। প্রতিনিধি, বিশ্ব খাদ্য কর্মসূচী, ঢাকা।
- ২৩। উপজেলা মহিলা বিষয়ক কর্মকর্তা (সকল),।
- ২৪। চেয়ারম্যান, ইউনিয়ন, থানা, জেলা।
- ২৫। নির্বাহী পরিচালক/পরিচালক,।

ছক-১

ভিজিডি কর্মসূচির উপকারভোগী হওয়ার আবেদনপত্র

বরাবর

ভিজিডি ইউনিয়ন কমিটি

.....
.....

ব্যক্তিগত তথ্যঃ

০১।	নাম	
০২।	পিতার নাম	
০৩।	মাতার নাম	
০৪।	স্বামীর নাম/অভিভাবকের নাম	
০৫।	জন্ম তারিখ	
০৬।	মোবাইল নং	
০৭।	জাতীয় পরিচয়পত্রের নম্বর (বাধ্যতামূলক)	

যোগাযোগের তথ্যঃ

০৮।	স্থায়ী ঠিকানা	
	ডাকঘর কোড	
	গ্রাম/মহল্লা	
	ওয়ার্ড নং	
	ইউনিয়ন	
	উপজেলা	
	জেলা	

অন্যান্য তথ্যাদিঃ

০৯।	বয়স (২০ হতে ৫০ বছর) (হ্যাঁ/না)	
১০।	সরকারের অন্য কোন সামাজিক নিরাপত্তা কর্মসূচি/প্রকল্পের উপকারভোগী (হ্যাঁ/না)	
১১।	বৈবাহিক অবস্থা (বিধবা, তালকপ্রাপ্ত, স্বামী পরিত্যক্তা)	
১২।	স্থায়ী আয়ের উৎস (হ্যাঁ/না)	
১৩।	পরিবারের সদস্য সংখ্যা	
১৪।	পরিবারের উপার্জনকারী ব্যক্তির পেশা (দিনমজুর/কৃষিক্ষেত্রে দিনমজুর)	
১৫।	ঘরের দেয়াল তৈরি (মাটির পাটকাঠির/বাসের/ইটের/টিনের)	
১৬।	জমির মালিকানা (বসতভিটা ও চাষযোগ্য মোট জমির পরিমাণ ০.১৫ একরের কম/.০৫ একরের কম)	
১৭।	২০১৫-২০১৬ এবং ২০১৭-২০১৮এর মধ্যে ভিজিডি কার্ডধারী ছিলেন (হ্যাঁ/না)	
১৮।	পরিবারে স্কুলে অধ্যয়নরত কিশোরী (আছে/নাই)	
১৯।	পরিবারে অটিজম সম্পন্ন/কর্মে অক্ষম শারীরিক ও মানসিক প্রতিবন্ধী সদস্য (আছে/নাই)	

আমি এ মর্মে অঙ্গীকার করছি যে, ওপরে বর্ণিত তথ্যাবলি সম্পূর্ণ সত্য। ভুল তথ্য প্রমাণিত হলে কার্ড বাতিল হবে এবং শাস্তিমূলক ব্যবস্থা নেয়া হবে।

আবেদনকারীর নাম ও স্বাক্ষর

ভিজিডি কর্মসূচির জন্য উপকারভোগী মহিলা বাছাই/নির্বাচনের প্রাথমিক তালিকার ‘ছক’
ভিজিডি চক্র ২০১৯-২০২০

ইউনিয়ন :
উপজেলা :
জেলা :

ওয়ার্ড :
গ্রাম :
পাড়া / মহল্লা :

ক্রমিক নং	ভিজিডি মহিলার নাম এবং স্বামী/ অভিভাবকের নাম	বয়স	জাতীয় পরিচয় পত্র নং	পরিবারের সদস্য সংখ্যা	দুঃস্থতা নির্ণায়ক				আর্থ-সামাজিক অবস্থা (সর্বোচ্চ স্কোর=১.৫)		অন্যান্য (১.০০)		মোট স্কোর	মোট প্রাপ্ত স্কোর
					জমির মালিকানা (সর্বোচ্চ স্কোর=৩)		পরিবারের উপার্জনকারী ব্যক্তির পেশা (সর্বোচ্চ স্কোর=৩)		পরিবারে কর্মক্ষম দুঃ ও অসহায় নারী (সর্বোচ্চ স্কোর=১.৫)	তালাকপ্রাপ্ত/ পরিত্যক্তা হলে (স্কোর=১.৫)	বাড়িতে বিদ্যুৎ আছে (০)/নাই (.৭৫)	ঘরের দেয়াল মাটির/বীশের/পাটের তৈরি হলে (স্কোর=০.৭৫)		
					০.০৬ - ০.১৫ একর পরিমাণ জমি হলে (স্কোর= ২)	.০৫ একরের কম জমি হলে (স্কোর=৩)	দিনমজুর হলে (স্কোর= ২)	কৃষিক্ষেত্রে দিনমজুর হলে (স্কোর=৩)						

প্রাথমিক তালিকা প্রস্তুত ও ওয়ার্ড কমিটির প্রধানঃ	ওয়ার্ড কমিটির সদস্য	ওয়ার্ড কমিটির সদস্য	ওয়ার্ড কমিটির সদস্য
স্বাক্ষর : পদবী : ইউ.পি. মহিলা সদস্য ওয়ার্ড নং :	স্বাক্ষর : পদবী : ইউ.পি. পুরুষ সদস্য ওয়ার্ড নং :	স্বাক্ষর : পদবী : এনজিও :	স্বাক্ষর : পদবী : প্রতিষ্ঠানের নামঃ (সরকারি কর্মচারী, ইউনিয়ন পর্যায়ে)

ভিজিডি কর্মসূচির জন্য উপকারভোগী মহিলা নির্বাচনের তালিকার চূড়ান্ত ‘ছক’
ভিজিডি চক্র ২০১৯-২০২০

ইউনিয়ন :

উপজেলা :

জেলা :

ক্রমিক নং	ভিজিডি মহিলার নাম	বয়স	জাতীয় পরিচয় পত্র নম্বর	পিতা, স্বামী অথবা অভিভাবকের নাম	পরিবারে সদস্য সংখ্যা	ওয়ার্ড নং	গ্রাম	পাড়া / মহল্লা	মমত্বাব্য

চূড়ান্ত তালিকা প্রস্তুতকারীঃ	স্বাক্ষর :	স্বাক্ষর :
পদবী : সদস্য সচিব, ইউ. পি ভিজিডি মহিলা বাছাই কমিটি	পদবী : সভাপতি, ইউ. পি ভিজিডি মহিলা বাছাই কমিটি	
ওয়ার্ড নং :		

স্বাক্ষর :	চূড়ান্ত তালিকা অনুমোদনকারীঃ	
পদবী : উপজেলা মহিলা বিষয়ক কর্মকর্তা	স্বাক্ষর :	
সদস্য-সচিব, উপজেলা ভিজিডি কমিটি/ ইউএনও কর্তৃক অর্পিত দায়িত্ব প্রাপ্ত কর্মকর্তার	পদবী : উপজেলা নির্বাহী অফিসার (ইউ এন ও) সভাপতি, উপজেলা ভিজিডি কমিটি	
ওয়ার্ড নং :		

২০১৯-২০২০ চক্রে উপকারভোগী নির্বাচনের কর্ম-পরিকল্পনা:

কার্যক্রম	দায়িত্ব-কর্তব্য		মন্তব্য
	কে বাস্তবায়ন করবে	কখন করবে	
২০১৯-২০ চক্রে উপকারভোগী নির্বাচনের জন্য অবহিতকরন সভা আহ্বান, কর্ম-পরিকল্পনা প্রণয়ন, ইউনিয়ন ভিত্তিক ভিজিডি কার্ড সংখ্যা নির্ধারণ;	জেলা/ উপজেলা মহিলা বিষয়ক কর্মকর্তা	০৫ সেপ্টেম্বর ২০১৮	
বাড়ি বাড়ি যেয়ে প্রাথমিক আবেদন গ্রহণ	ওয়ার্ড কমিটি	০৭-১৪ সেপ্টেম্বর ২০১৮	এনজিও প্রতিনিধি সহযোগিতা করবে
সম্ভাব্য ভিজিডি মহিলাদের বাড়ি সরেজমিনে পরিদর্শন করে ওয়ার্ড কমিটি কর্তৃক প্রাপ্ত তথ্য যাচাই	ওয়ার্ড কমিটি	১৫-২০ সেপ্টেম্বর ২০১৮	
ছক-১ পূরণ	ওয়ার্ড কমিটি	২১-২৫ সেপ্টেম্বর ২০১৮	ছক-২ পূরণ করার পর র্যাংকিং করে ভিজিডি মহিলায় তালিকা প্রস্তুত করতে হবে
ওয়ার্ড হতে প্রাপ্ত সম্ভাব্য ভিজিডি মহিলাদের তালিকার হার্ড কপি সংগ্রহ ও বাড়ি সরেজমিনে পরিদর্শন করে তথ্য যাচাই এর মাধ্যমে ছক-২ পূরণ	ইউনিয়ন ভিজিডি উপকারভোগী নির্বাচন কমিটি	২৬-৩০ সেপ্টেম্বর ২০১৮	
ইউনিয়নে সংরক্ষিত ছক-২ অনুযায়ী র্যাংকিংকৃত তালিকা পর্যালোচনা/যাচাই বাছাইকরণ ক) ছক-২ অনুযায়ী র্যাংকিংকৃত তালিকা প্রতিটি ইউনিয়ন পরিষদের নোটিশ বোর্ডে টাঙ্গানো/ঝুলানো খ) ইউপি চেয়ারম্যান সহায়তায় এলাকার গন্যমান্য ব্যক্তিবর্গ এর উপস্থিতিতে ভিজিডি আবেদনকারী সকল মহিলাদেরকে ইউনিয়ন পরিষদ প্রাঙ্গনে একটি নির্দিষ্ট তারিখে জমায়েত করতঃ পৃথক পৃথকভাবে শুনানী গ্রহন করে ছক ২ চূড়ান্ত করবে।	উপজেলা মহিলা বিষয়ক কর্মকর্তা	১-১৫ অক্টোবর ২০১৮	উক্ত জমায়েত এ রেজুলেশন নিশ্চিত করতে হবে
সম্ভাব্য ভিজিডি মহিলাদের তালিকা স্বাক্ষরপূর্বক উপজেলা ভিজিডি কমিটির নিকট প্রেরণ/পেশ	ইউনিয়ন ভিজিডি উপকারভোগী নির্বাচন কমিটি	১৫-৩১ অক্টোবর ২০১৮	
ছক-৩ অনুযায়ী ভিজিডি মহিলাদের পূর্ণাঙ্গ তালিকা প্রস্তুত	উপজেলা ভিজিডি কমিটির সদস্য সচিব	০১-২৯ নভেম্বর ২০১৮	প্রাপ্ত স্কোরের ভিত্তিতে ছক-২ হতে ছক-৩ তে ভিজিডি মহিলাদের পূর্ণাঙ্গ তালিকা প্রস্তুত করতে হবে
অনুমোদিত এবং স্বাক্ষরিত চূড়ান্ত ভিজিডি মহিলাদের তালিকা ইউনিয়ন পরিষদে প্রেরন	উপজেলা নির্বাহী অফিসার ও উপজেলা মহিলা বিষয়ক কর্মকর্তা	৩০ নভেম্বর ২০১৮	
চূড়ান্তভাবে নির্বাচিত উপকারভোগীর নামের অনুমোদিত তালিকা ভিজিডি ডাটা বেইজ এ অন্তর্ভুক্ত	উপজেলা মহিলা বিষয়ক কর্মকর্তা	০১-০৫ ডিসেম্বর ২০১৮	
অনুমোদিত ও চূড়ান্তভাবে নির্বাচিত উপকারভোগী মহিলায় নামের তালিকা ইউপি নোটিস বোর্ডে টানানো	ইউনিয়ন পরিষদ	০৬ ডিসেম্বর ২০১৮	
১০% মহিলায় অপেক্ষমান তালিকা প্রস্তুতকরন	উপজেলা ভিজিডি কমিটি	০৭-০৯ ডিসেম্বর ২০১৮	
নির্বাচিত উপকারভোগী মহিলায় মাঝে ‘ভিজিডি কার্ড’ বিতরণ	উপজেলা মহিলা বিষয়ক কর্মকর্তা ও সংশ্লিষ্ট ট্যাগ অফিসার	১০-২৫ ডিসেম্বর ২০১৮	

স্বাক্ষরিত
১০/০৯/২০১৮খ্রি:
(মো: আবুল খায়ের)
সিনিয়র সহকারী সচিব
ফোনঃ ৯৫৭০৬৫৭।